



Ո Ր Ո Շ ՈՒ Մ

ՎԱՐՈՒՅԹԻ ԱՌԱՐԿԱՅԱԿԱՆ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

22 օգոստոսի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահին փոխարինող Ելիզավետա Դանիելյանս, ուսումնասիրելով թիվ ՀԿԴ/0149/01/24 (ՄԴՅ/0053/01/21) քրեական վարույթի ընդդատության մասին վեճը լուծելու համար ՀՀ Վճռաբեկ դատարանի նախագահին ուղարկելու մասին Հակակոռուպցիոն դատարանի՝ 2024 թվականի օգոստոսի 8-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2021 թվականի սեպտեմբերի 22-ին Սյունիքի մարզի ընդհանուր իրավասության առաջին ատյանի դատարանում ստացվել է թիվ 41154620 (ՄԴՅ/0053/01/21) քրեական գործն ըստ մեղադրանքի՝ Դերենիկ Հայկազի Համբարձումյանի՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 179 հոդվածի 3-րդ մասի 1-ին կետով:

Սյունիքի մարզի առաջին ատյանի ընդհանուր իրավասության դատարանի՝ 2023 թվականի հունվարի 18-ի դատավճռով Դերենիկ Համբարձումյանը մեղավոր է

ճանաչվել ՀՀ քրեական օրենսգրքի 177-րդ հոդվածի 3-րդ մասի 1-ին կետով, և նրա նկատմամբ պատիժ է նշանակվել ազատազրկում՝ 5 (հինգ) տարի ժամկետով: ՀՀ քրեական օրենսգրքի 84-րդ հոդվածի կիրառմամբ Դերենիկ Համբարձումյանի նկատմամբ ազատազրկման ձևով նշանակված պատիժը պայմանականորեն չի կիրառվել՝ սահմանվելով փորձաշրջան 3 (երեք) տարի ժամկետով:

ՀՀ վերաքննիչ քրեական դատարանի՝ 2023 թվականի հունիսի 29-ի որոշմամբ Սյունիքի մարզի առաջին ատյանի ընդհանուր իրավասության դատարանի՝ 2023 թվականի հունվարի 18-ի դատավճիռը բեկանվել է և վարույթը փոխանցվել է նույն դատարան՝ նոր քննության:

1.1. Սյունիքի մարզի առաջին ատյանի ընդհանուր իրավասության դատարանը 2023 թվականի հոկտեմբերի 13-ին որոշում է կայացրել թիվ ՍԴ3/0053/01/21 քրեական վարույթը ստանձնելու և նախնական դատալսումներ նշանակելու մասին:

1.2. Սյունիքի մարզի առաջին ատյանի ընդհանուր իրավասության դատարանը 2024 թվականի հուլիսի 25-ին՝ նախնական դատալսումների ընթացքում, որոշում է կայացրել քրեական վարույթն ըստ ընդդատության Հակակոռուպցիոն դատարան փոխանցելու մասին:

2. Հակակոռուպցիոն դատարանը 2024 թվականի օգոստոսի 8-ին որոշում է կայացրել թիվ ՀԿԴ/0149/01/24 (ՍԴ3/0053/01/21) քրեական վարույթը Վճռաբեկ դատարանի նախագահին ուղարկելու մասին՝ ընդդատության մասին վեճը լուծելու համար:

3. Քրեական վարույթը Վճռաբեկ դատարանում ստացվել է 2024 թվականի օգոստոսի 8-ին:

Ընդդատության հարցը լուծելու համար էական նշանակություն ունեցող փաստական հանգամանքները.

4. Նախաքննության մարմնի՝ 2021 թվականի սեպտեմբերի 16-ի որոշմամբ Դերենիկ Հայկազի Համբարձումյանը ներգրավվել է որպես մեղադրյալ՝ ՀՀ քրեական օրենսգրքի 179-րդ հոդվածի 3-րդ մասի 1-ին կետով, այն բանի համար, որ նա «(...) աշխատելով «Ռեդիստեր» ՓԲ ընկերությունում որպես էլեկտրիկ և ընկերության կողմից լիազորված լինելով անհրաժեշտության դեպքում ձեռք բերելու և

լիցքավորելու «ՄՏՍ-Հայաստան» ՓԲ ընկերությանը պարկանող կայանների դիզելային գեներատորները, 2017 թվականի ապրիլի 18-ից մինչև 2020 թվականի մարտի 19-ն ընկած ժամանակահատվածում, հափշտակություն կարարելու միասնական դիրավորությամբ, վերոնշյալ գեներատորները լիցքավորելու պարրվակով, Կապանում գործող բենզալցակայաններից սրացել է առանձնապես խոշոր չափերի՝ 14 340 937.3 ՀՀ դրամ արժողությամբ 32439 լիտր դիզելային վառելիք և յուրացման եղանակով հափշտակել:

Այսպես.

«Ռեդինետ» ՓԲ ընկերությունը 2017 թվականի ապրիլի 13-ին «Ղ-Տելեկոմ» ՓԲ ընկերության հետ կնքած ցանցի սպասարկման ծառայությունների մատուցման պայմանագրի համաձայն՝ իրականացրել է կայանների սպասարկման ծառայություն, որի մեջ ներառվել է կայանների դիզելային գեներատորների լիցքավորումը, իսկ Դերենիկ Համբարձումյանը, աշխատելով «Ռեդինետ» ՓԲ ընկերությունում որպես էլեկտրիկ և ընկերության կողմից լիազորված լինելով անհրաժեշտության դեպքում ձեռք բերելու և լիցքավորելու «ՄՏՍ-Հայաստան» ՓԲ ընկերությանը պարկանող կայանների դիզելային գեներատորները, 2017 թվականի ապրիլի 18-ից մինչև 2020 թվականի մարտի 19-ն ընկած ժամանակահատվածում, հափշտակություն կարարելու միասնական դիրավորությամբ, վերոնշյալ գեներատորները լիցքավորելու պարրվակով, Կապանում գործող բենզալցակայաններից սրացել է 14 340 937.3 ՀՀ դրամ ընդհանուր արժողությամբ 32439 լիտր դիզելային վառելիք, որը դուրս բերելով ընկերության գույքային ֆոնդից և չկարարելով պայմանագրով սահմանված ընկերության պարրավորությունները, յուրացման եղանակով հափշտակել է (...):¹:

5. Սյունիքի մարզի առաջին ատյանի ընդհանուր իրավասության դատարանը 2024 թվականի հուլիսի 25-ի որոշմամբ արձանագրել է հետևյալը. «(...) Սույն քրեական վարույթով մեղադրական եզրակացությունից, ինչպես նաև մեղադրյալ Դերենիկ Հայկազի Համբարձումյանին որպես մեղադրյալ ներգրավելու և ՀՀ վերաքննիչ քրեական դատարանի օրինական ուժի մեջ մնած որոշումներից

¹ Տե՛ս քրեական վարույթ, հատոր 2, թերթ 249:

ակնհայտ է, որ Դերենիկ Հայկազի Համբարձումյանին մեղաազրվել է կոռուպցիոն բնույթի ենթադրյալ հանցավոր արարքի կատարում, ինչի մասին է վկայում այն, որ մեղադրյալին առաջադրված մեղադրանքում նշված է, որ նա ենթադրյալ հանցավոր արարքը կատարել է «Ռեդինետ» ՓԲ ընկերության կողմից լիազորված լինելով՝ անհրաժեշտության դեպքում ձեռք բերելու և լիցքավորելու «ՄՏՍ-Հայաստան» ՓԲ ընկերությանը պարկանող կայանների դիզելային գեներատորները, այսինքն՝ հանցանքը կատարել է իր ծառայողական լիազորություններն օգտագործելով:

2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 2-րդ մասում որպես որակյալ հարկանիշ նախատեսվել է միայն հիշյալ հանցանքը պաշտոնական դիրքն օգտագործելով կատարելը, սակայն դա ամենևին չի նշանակում, որ սույն ենթադրյալ հանցավոր արարքն այս պահին՝ քրեական վարույթը դատարանն ուղարկելիս և դատարանում քննության առնելիս, չունի կոռուպցիոն բնույթ, միայն այն պարճառաբանությամբ, որ 2003 թվականի ապրիլի 18-ին ընդունված ՀՀ քրեական օրենսգրքի գործողության ընթացքում ենթադրյալ արարքը կատարվել է ծառայողական լիազորություններն օգտագործելով, որը ըստ նույն օրենսգրքի հավելված 6-ի՝ չի հանդիսացել կոռուպցիոն հանցագործություն:

Ի տարբերություն 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի՝ գործող ՀՀ քրեական օրենսգրքի 256-րդ հոդվածում որպես որակյալ հարկանիշ է նախատեսվել հանցանքը ծառայողական լիազորություններն օգտագործելու միջոցով կատարելը, որն ըստ ՀՀ քրեական օրենսգրքի հավելված 1-ի՝ դասվում է կոռուպցիոն հանցագործությունների շարքին (...)²:

6. Հակակոռուպցիոն դատարանը 2024 թվականի օգոստոսի 8-ի որոշմամբ արձանագրել է հետևյալը. «(...) Մեղադրյալին ներկայացված մեղադրանքի բովանդակության ուսումնասիրության արդյունքում Դատարանն իր անհամաձայնությունն է արտահայտում Սյունիքի մարզի առաջին արյանի ընդհանուր իրավասության դատարանի կողմից սույն քրեական վարույթն ըստ ընդդատության ուղարկելու մասին 2024 թվականի հուլիսի 25-ին կայացված

² Տե՛ս քրեական վարույթ, հատոր 13, թերթեր 147-150:

որոշմամբ արտահայտված այն դիրքորոշմանը, որ սույն քրեական վարույթով մեղադրական եզրակացությունից, ինչպես նաև մեղադրյալ Դերենիկ Հայկազի Համբարձումյանին որպես մեղադրյալ ներգրավելու և ՀՀ վերաքննիչ քրեական դատարանի օրինական ուժի մեջ մտնող որոշումներից ակնհայտ է, որ Դերենիկ Հայկազի Համբարձումյանին մեղսագրվել է կոռուպցիոն բնույթի ենթադրյալ հանցավոր արարքի կատարում, ինչի մասին է վկայում այն, որ մեղադրյալին առաջադրված մեղադրանքում նշված է, որ նա ենթադրյալ հանցավոր արարքը կատարել է «Ռեդիսեր» ՓԲ ընկերության կողմից լիազորված լինելով՝ անհրաժեշտության դեպքում ձեռք բերելու և լիցքավորելու «ՄՏՍ-Հայաստան» ՓԲ ընկերությանը պատկանող կայանների դիզելային գեներատորները, այսինքն՝ հանցանքը կատարել է իր ծառայողական լիազորություններն օգտագործելով:

Դատարանի վերը նշված անհամաձայնության հիմքում ընկած է այն հանգամանքը, որ Սյունիքի մարզի առաջին արյանի ընդհանուր իրավասության դատարանի տրամաբանությամբ առաջնորդվելու դեպքում անձի կողմից իր լիազորությունների գործադրմամբ իրեն վարահիված գույքը հափշտակելու բոլոր դեպքերում արարքը պետք է որակել որպես ծառայողական լիազորությունները օգտագործելով վարահիված գույքի հափշտակություն: Այսինքն, նման մոտեցման պարագայում արացվում է մի իրավիճակ, որ որևէ անձի երբևէ չի կարող մեղսագրվել վարահիված գույքի հափշտակության հասարակ հանցակազմի կատարում, ինչը ոչ միայն չի բխում առկա օրենսդրական ձևակերպումներից, այլև հակասում է ՀՀ վճարելի դատարանի կողմից արտահայտած իրավական դիրքորոշումներին:

(...)

Բացի այդ Դատարանն արձանագրում է, որ գործող ՀՀ քրեական օրենսգրքի 256-րդ հոդվածի 2-րդ մասի 2-րդ կետով որպես հանցակազմի որակյալ հատկանիշ է նախատեսվել հանցանքը իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով կատարելը, որը շարավելի լայն հասկացություն է, քան նախկին ՀՀ քրեական օրենսգրքի 179-րդ հոդվածի 2-րդ մասի 1-ին կետով նախատեսված պաշտոնական դիրքն օգտագործելը: Այսինքն՝ Դատարանը փաստում է, որ նախկին ՀՀ քրեական օրենսգրքի 179-րդ հոդվածի 2-րդ մասի 1-ին կետով նախատեսված արարքը չի կարող յուրաքանչյուր

դեպքում մեխանիկորեն համապարասխանեցվել գործող ՀՀ քրեական օրենսգրքի 256-րդ հոդվածի 2-րդ մասի 2-րդ կետին: Համապարասխանեցում կարելի է կատարել միայն այն դեպքում, երբ անձին ներկայացվել է մեղադրանք պաշտոնեական դիրքն օգտագործելով յուրացում կատարելու համար: Հակառակ մտրեցման պարագայում հետադարձ ուժ կրթվի անձի վիճակը վարթարացնող օրենքին, ինչն ուղղակի արգելված է թե՛ Սահմանադրությամբ, թե՛ ՀՀ քրեական օրենսգրքով:

Սույն դեպքում Գաբարյանն արձանագրում է, որ Դերենիկ Հայկազի Համբարձումյանին ներկայացված մեղադրանքում առկա չէ որևէ ձևակերպում առ այն, որ վերջինս իրեն մեղսագրվող ենթադրյալ արարքը կատարել է պաշտոնեական դիրքն օգտագործելով, մինչդեռ Գաբարյանը պարզավոր է վարույթի քննությունն իրականացնել անձին ներկայացված մեղադրանքի սահմաններում:

Ընդ որում, Գաբարյանը հարկ է համարում ընդգծել, որ Դերենիկ Հայկազի Համբարձումյանին ներկայացված մեղադրանքում առկա չէ նաև որևէ ձևակերպում իրեն մեղսագրվող ենթադրյալ արարքը ծառայողական լիազորությունները օգտագործելով կատարելու վերաբերյալ, իսկ անձին ներկայացված մեղադրանքում պետք է հստակ ձևակերպվի ինչպես վերջինիս մեղսագրվող ենթադրյալ արարքը, այնպես էլ բոլոր ծանրացնող հանգամանքները:

Վերոգրյալի հաշվառմամբ Գաբարյանը գտնում է, որ թիվ ՀԿԴ/0149/01/24 (ՄԳ3/0053/01/21) քրեական վարույթը ենթակա չէ ՀՀ հակակոռուպցիոն դատարանին՝ հաշվի առնելով, որ այն նախկին ՀՀ քրեական օրենսգրքի հավելված N 6-ով կամ գործող ՀՀ քրեական օրենսգրքի հավելված N 1-ով նախատեսված կոռուպցիոն հանցանքի վերաբերյալ վարույթ չէ (...)³:

Սույն որոշման հիմնավորումները և եզրահանգումը.

7. Սույն վարույթով բարձրացված իրավական հարցը հետևյալն է. հիմնավոր է արդյոք Հակակոռուպցիոն դատարանի հետևությունն այն մասին, որ թիվ

³ Տե՛ս քրեական վարույթ, հատոր 13, թերթեր 166-171:

ՀԿԴ/0149/01/24 (ՄԳ3/0053/01/21) քրեական վարույթն ընդդատյա չէ Հակակոռուպցիոն դատարանին:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

9.1. Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիան ազգային օրենսդրությունը մեկնաբանելու որոշակի ազատությամբ»⁴:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

10. Վճռաբեկ դատարանը Գևորգ Հարությունյանի գործով իրավական դիրքորոշում է ձևավորել այն մասին, որ. «(...) Գործերի պարզաձև ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

արեղծված դատարանն ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեւելի գործադրումն անհրաժեշտ պայման են կողմնակի դիրորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախարարամատչելիություն չունեն, և տվյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁶:

11. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառարանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի

⁶ Տե՛ս Վճռաբեկ դատարանի՝ *Քերոզ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ «Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետ՝ առաջին արյանի ընդհանուր իրավասության դատարան) ընդդարյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդարյա են հակակոռուպցիոն դատարանին»:

ՀՀ քրեական դատավարության օրենսգրքի 263-րդ հոդվածի համաձայն՝ «1. Եսինական դատալսումների ընթացքում պարզելով, որ տվյալ վարույթն ընդդարյա չէ իրեն, դատարանն այն որոշմամբ անհապաղ փոխանցում է ըստ ընդդարյության:

(...)

5. Վարույթն ըստ ընդդարյության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատալսումներ նշանակելը ետորյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդարյությանը:

(...)

8. Մույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում սրանալու պահից տասնօրյա ժամկետում վերջնականապես լուծում են վարույթի առարկայական ընդդարյության հարցը՝ ընդհանուր թվի ձայների մեծամասնությամբ ընդունված որոշմամբ: Քվեարկելիս ձեռնպահ մնալ չի թույլատրվում:

9. *Սույն հոդվածով սահմանված կարգով որոշված դատարանը համարվում է իրավասու դատարան»:*

12. Սույն վարույթի նյութերի ուսումնասիրությունից երևում է, որ՝

- Սյունիքի մարզի առաջին ատյանի ընդհանուր իրավասության դատարանը որոշում է կայացրել վարույթն ըստ ընդդատության Հակակոռուպցիոն դատարան փոխանցելու մասին՝ փաստելով, որ Դ.Համբարձումյանին առաջադրված մեղադրանքի բովանդակությունից երևում է, որ վերջինս ենթադրյալ արարքը կատարել է «Ռեդինետ» ՓԲ ընկերության կողմից իրեն վերապահված՝ «ՄՏՍ-Հայաստան» ՓԲ ընկերությանը պատկանող կայանների դիզելային գեներատորները անհրաժեշտության դեպքում ձեռք բերելու և լիցքավորելու լիազորություններն օգտագործելու եղանակով⁷:

- Հակակոռուպցիոն դատարանն իր անհամաձայնությունն է հայտնել Սյունիքի մարզի առաջին ատյանի ընդհանուր իրավասության դատարանի՝ քրեական վարույթն ըստ առարկայական ընդդատության Հակակոռուպցիոն դատարան փոխանցելու մասին որոշմանը՝ փաստելով, որ Դերենիկ Համբարձումյանին ներկայացված մեղադրանքում առկա չէ որևէ ձևակերպում առ այն, որ վերջինս ենթադրյալ հանցանքը կատարել է *«պաշտոնեական դիրքը»* կամ *«ծառայողական լիազորությունները»* օգտագործելու եղանակով⁸:

13. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ մեղադրյալ Դ. Համբարձումյանին առաջադրված մեղադրանքի ձևակերպումից պարզ է դառնում, որ վերջինս, աշխատելով «Ռեդինետ» ՓԲ ընկերությունում որպես էլեկտրիկ և *ընկերության կողմից լիազորված լինելով անհրաժեշտության դեպքում ձեռք բերելու և լիցքավորելու «ՄՏՍ-Հայաստան» ՓԲ ընկերությանը պատկանող կայանների դիզելային գեներատորները*, ենթադրաբար կատարել է յուրացման եղանակով առանձնապես խոշոր չափերի հափշտակություն:

⁷ Տե՛ս սույն որոշման 5-րդ կետը:

⁸ Տե՛ս սույն որոշման 6-րդ կետը:

Այլ կերպ՝ Դ.Համբարձումյանին առաջադրված մեղադրանքի բովանդակությունը հիմք է տալիս փաստելու, որ վերջինս ենթադրյալ հափշտակությունը կատարել է՝ օգտագործելով «Ռեդիներտ» ՓԲ ընկերության կողմից իրեն վերապահված լիազորությունները, որպիսի ենթադրյալ արարքն իր բնույթով կոռուպցիոն է: Հետևաբար, գտնում ենք, որ առկա է սույն վարույթը Հակակոռուպցիոն դատարանին ընդդատյա լինելու հիմքը:

14. Վերոգրյալի հետ մեկտեղ, Վճռաբեկ դատարանը գտնում է, որ իրավաչափ հիմքեր չկան չհամաձայնելու Սյունիքի մարզի առաջին ատյանի ընդհանուր իրավասության դատարանի այն դիրքորոշմանը, որ ՀՀ քրեական օրենսգրքի 179-րդ հոդվածի 2-րդ մասով՝ *«պաշտոնեական դիրքն օգտագործելով»* որակյալ հատկանիշը նախատեսված լինելու պայմաններում նույնպես Դ.Համբարձումյանին վերագրվող ենթադրյալ հանցանքն իր բնույթով համարվում է կոռուպցիոն: Մասնավորապես, Վճռաբեկ դատարանն արձանագրում է, որ ՀՀ քրեական օրենսգրքի 308-րդ հոդվածով սահմանված՝ *«պաշտոնաարար անձի»* հասկացությունը կիրառելի է նույն օրենսգրքի 29-րդ գլխով նախատեսված՝ պետական ծառայության դեմ ուղղված հանցագործությունների պարագայում և չի կարող նույնացվել օրենսգրքի 179-րդ հոդվածի 2-րդ մասով նախատեսված՝ *«պաշտոնեական դիրք»* եզրույթի հետ:

15. Վերոշարադրյալը հիմք է տալիս փաստելու, որ Հակակոռուպցիոն դատարանի հետևությունն այն մասին, որ թիվ ՍԴՅ/0053/01/21 (ՀԿԴ/0149/01/24) քրեական վարույթն ընդդատյա չէ Հակակոռուպցիոն դատարանին, հիմնավոր չէ:

16. Վերոգրյալի հիման վրա և ելնելով արդարադատության շահի պաշտպանության անհրաժեշտությունից, գտնում ենք, որ թիվ ՍԴՅ/0053/01/21 (ՀԿԴ/0149/01/24) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով

Ո Ր Ո Շ Ե Ց Ի Ն Ք

Դերենիկ Հայկազի Համբարձումյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի 179 հոդվածի 3-րդ մասի 1-ին կետով թիվ ՀԿԴ/0149/01/24 (ՍԴՅ/0053/01/21) քրեական վարույթն ընդդատյա է Հակակոռուպցիոն դատարանին:

ՀՀ ՎՃՌԱԲԵԿ ԴԱՏԱՐԱՆԻ
ՆԱԽԱԳԱՀ
ԼԻԼԻԹ ԹԱԴԵՎՈՍՅԱՆ

ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ

ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱԿՈՌՈՒՊՑԻՈՆ ՊԱԼԱՏԻ
ՆԱԽԱԳԱՀԻՆ ՓՈԽԱՐԻՆՈՂ
ԵԼԻՋԱՎԵՏԱ ԴԱՆԻԵԼՅԱՆ